

ПУЛ ОҚИМЛАРИ ТАҲЛИЛИ

Гуломов Худоберди Шокиржон угли

Андижон машинасозлик институти

Бухгалтерия ҳисоби ва аудит ёналиши талабаси:

Аннотация. Мазкур мақолада пул оқими(cash flow) тушунчаси ва унинг мазмуни, турли илмий нашрларда тушунчага берилган таърифлар, пул оқимини таҳлил этиш методикаси, мавзунинг долзарбилиги келтирилган. Мақолада пул оқимини таҳлил этишда қўлланиладиган қўрсаткичлар талқин қилинган. Тадқиқотлар натижасида пул оқимини таҳлил этиш бўйича муаллиф ёндошуви шакллантирилган ҳамда тегишли хуносалар келтирилган.

Калит сўзлар: пул маблағлари, пул эквивалентлари, пул маблағлари кирими, пул маблағлари чиқими, соф пул оқими, операцион фаолият, инвестицион фаолият, молиявий фаолият, тўлов календари, пул маблағларининг ҳаракати.

Аннотация. В данной статье представлено понятие денежного потока и его содержание, определения, данные понятия в различных научных публикациях, методология анализа денежного потока, актуальность темы. В статье дается интерпретация показателей, используемых при анализе движения денежных средств. В результате проведенных исследований сформулирован авторский подход к анализу денежных потоков и сделаны соответствующие выводы.

Ключевые слова: денежные средства, денежные эквиваленты, приход денежных средств, отток денежных средств, чистый денежный поток, операционная деятельность, инвестиционная деятельность, финансовая деятельность, платежный календарь, движения денежных средств.

Abstract. This article presents the concept of cash flow and its content, the definitions given to the concept in various scientific publications, the methodology for analyzing cash flow, the relevance of the topic. The article interprets the indicators used in the analysis of cash flow. As a result of the studies, the author's approach to the analysis of cash flow is formulated and relevant conclusions are drawn.

Key words: cash, cash equivalents, cash inflow, cash outflow, net cash flow, operating activities, investment activities, financial activities, payment calendar, movement of cash.

Кириш.

Пул оқимларини оқилона бошқариш масаласи доимо мулк эгалари ва менежерлар эътиборидаги масала бўлиб келган. Негаки, жўнатилган маҳсулот бажарилган иш ва қўрсатилган хизматлар бўйича ҳисоб-китобларнинг ўз вақтида амалга оширилмаслиги, тадбиркорлик субъектининг қарши томон

олдидағи мажбуриятларининг ҳам ортишига олиб келади. Натижада, хұжалик юритувчи субъектнинг молиявий ахволи ва натижавийлигіда салбай ҳолатлар кузатила бошлайды. Пул маблағларининг ҳаракати бүйича оптимал бошқауыт қарорларини қабул қилиш учун хұжалик юритувчи субъект раҳбарияти мудом пул маблағлари ҳаракатининг ҳолати бүйича ахборотта эга бўлиши лозим. Бу эса пул маблағлари ҳаракатини тизимли батафсил таҳлилини ташкил этишни тақозо этади.

Адабиётлар шархи.

“МХХС доирасида пул маблағлари бўлиб қуйидагилар тан олинади: пул маблағлари: банқда (cash at bank, current accounts), нақд пул (cash in hand), майда пул маблағлари (petty cash); нақд пул эквивалентлари (cash equivalents); пул хужжатлари: ёзувлар (notes), чеклар (checks), банклардаги омонатлар (bank deposits); молиявий инструментлар (молиявий инвестициялар): узиш муддати кўрсатилган қимматли қофозлар, улардан бир йил давомида олинадиган даромадлар, муддати белгиланмаган дебиторлик қарздорлик; бўнаклар ва олдиндан тўланадиган тўловлар; олдиндан тўланган ва кечиктирилган харажатлар” (МХХС 7)¹.

“Пул оқимлари тўғрисидаги маълумотлар хұжалик юритувчи субъектнинг ишлаб чиқариш қобилиятыни баҳолаш ва уларга бўлган эҳтиёжини аниқлаш учун зарурдир. 7-сон IAS

«Пул маблағлари ҳаракати тўғрисида ҳисобот» халқаро молиявий ҳисобот стандартининг мақсади операцион (жорий), инвестицион ва молиявий фаолиятдан келиб чиқсан пул маблағлари ва уларнинг эквивалентларининг тарихий ўзгаришлари тўғрисида маълумот беришдан иборат эканлиги бежиз эмас” (Нурманов, 2022).

“Акциондорлик жамиятларининг эркин пул оқими салбай бўлиши жамиятнинг ҳолати ёмонлигини кўрсатмайди. Сабаби, акциондорлик жамиятининг йирик миқдордаги пул маблағлари капиталга қилинаётган инвестицияни амалга оширишни кўрсатади. Хусусан, асосий воситалар сотиб олинаётганлиги ва ишлаб чиқаришда тұғридан-тўғри иштирок этаётган асбоб-ускуналарнинг модернизация қилинаётганлигини кўрсатади” (Фозилжонов, 2023).

“Пул маблағлари тўғрисидаги ҳисобот, бошқа молиявий ҳисоботлар билан биргалиқда фойдаланилганда, фойдаланувчиларга жамиятнинг соғ активларидағи ўзгаришларни, уларнинг молиявий структураси (ликвидлиги ва тўлов қобилияты)ни ва ўзгараётган имкониятлар ва шароитларга мослашиш мақсадида ўзининг пул оқимлари суммаси ва муддатларига таъсир кўрсата олиш қобилиятыни баҳолаш учун маълумот билан таъминлайди” (Ниятов, 2023).

“Пул оқимлари ҳажмига ва уларнинг вақт бўйича шаклланиш характеристига таъсир этадиган омилларни ҳисобга олиш уларни бошқариш самарали жараёнини амалга ошириш учун муҳим шарт-шароит бўлиб хизмат қиласи” (Эшов, 2019).

“Бизнинг фикримизча, пул оқимлари – маълум бир даврда корхона томонидан барча олинган ва тўланган пул маблағлари ҳамда улар эквивалентлари ҳаракатларининг йиғиндисидир” (Эшонкулов, 2022).

“Корхонани молиявий бошқариш соҳаларидан бири бу унинг пул оқимларини самарали бошқаришдир. Корхонанинг молиявий ҳолатини тўлиқ баҳолаш унинг пул оқимларини таҳлил қилмасдан амалга оширилмайди. Пул оқимларини бошқариш вазифаларидан бири пул оқимлари ва фойда ўртасидаги боғлиқликни аниқлаш бўлиб, ҳар қандай тижорат ташкилотининг барча фаолияти маблағларнинг ҳаракати, пул оқимларини ташкил этиш ва уларни тасарруф қилиш билан боғлиқ” (Фозилчаев, 2021).

“Маълумки, корпоратив бошқарув олдига қўйиладиган асосий вазифалардан бири бўлиб, корхона пул оқимининг барқарорлигини таъминлаш ҳисобланади. Айнан пул оқимининг барқарорлигини таъминлаш корхонанинг молиявий барқарорлигини таъминлашнинг зарурӣ шартларидан бири ҳисобланади”(Гафурова, 2021).

“Пул оқимлари(cash flow) тушунчасининг бир қанча маъноси мавжуд. Статистик даражада бу муайян вақт давомида субъект ихтиёрида бўлган “эркин захира” - пулнинг миқдорий ифодасидир. Инвестор учун cash flow – инвестициядан кутилаётган келгуси даромад(дисконтни ҳисобга олган ҳолда). Корхона раҳбарияти нуқтаи назаридан динамик миқёсда cash flow вақт бирлигida корхона пул фондларининг келгуси ҳаракатининг режаси ёхуд келгуси даврларда уларнинг ҳаракати ҳақидаги ахборотни ўзида ифода этади. Ҳар бир вазиятда cash flow молиявий ресурсларнинг ҳақиқий ҳаракатини англатади” (Титаева, 2018).

“Корхонанинг нормал фаолият юритиши учун соф пул оқими нолга teng бўлиши мақсадга мувофиқдир. Бу, компания томонидан ҳисобот даврида ишлаб топилган пул маблағлари ҳаражат манбалари бўйича самарали тақсимланганлигидан далолат беради. Соф пул оқими муайян фаолият тури ёки барча фаолият турлари бўйича ижобий ва салбий пул оқимлари ўртасидаги тафовутни акс эттиради” (Ланских, 2017).

“Ҳар қандай корхонага бизнес юритиш, ўз мажбуриятларини бажариш ва компания фойдасини таъминлаш учун пул керак. Пул оқимини яратиш қобилияти ва унинг миқдори барқарорликнинг муҳим кўрсаткичи ҳисобланади”(Кобозева ва б., 2020).

“Корхона пул оқимлари таҳлили корхоя молиявий ҳолати таҳлилиниң муҳим ва долзарб жиҳати ҳисобланади, зеро замонавий бозор шароитида ҳар қандай корхонанинг молиявий ҳолати кўп жиҳатдан пул маблағлари ҳаракатининг натижасига боғлиқ. Пул маблағлари минимал зарурӣ захирасининг мавжуд эмаслиги молиявий қийинчиликлардан дарак беради. Пул маблағларининг ортиқчалиги эса, корхона зарар кўраётганлигини билдиради” (Ильиных, 2019).

Тадқиқот методологияси.

Тадқиқот жараёнида хўжалик юритувчи субъектларнинг фаолиятидаги пул оқимларини таҳлил этишининг назарий асослари ўрганилди, мавзуга боғлиқ кўплаб илмий манбалар ва тадқиқотлар талқин қилинди, илмий тадқиқотларга таянган ҳолда анализ ва синтез, диалектика, илмий мушоҳада, мантиқий фикрлаш, тизимли ёндашув усуулларидан кенг фойдаланилган.

Таҳлил ва натижалар мұхокамаси.

Пул маблағларини таҳлил қилишдан мақсад пул маблағларининг жорий оқимини баҳолаш ва унинг оптималь ҳажмини белгилаш бўйича оқилона бошқарув қарорларини қабул қилишdir.

Пул маблағларини таҳлил қилишнинг вазифалари қўйидагилардан иборат:

- пул оқимини таркиб қаторлари ва тузилиши бўйича ўрганиш;
- пул маблағлари оқимини динамикасини баҳолаш;
- пул маблағлари ҳаракатининг йўналишларига баҳо бериш;
- пул оқимининг соф кирими ва чиқимига баҳо бериш;
- пул оқимининг молиявий ҳолатга таъсир даражасини баҳолаш;
- пул оқимларини башоратлаш;
- пул оқимини самарали бошқариш ва унинг оптималь ҳажмини белгилаш.

Мазкур вазифаларнинг ижросини таъминлаш учун пул маблағлари ҳаракати таҳлилини бир неча босқичларда ташкил этиш лозим:

1 босқич. Пул маблағлари ҳаракати тўғрисидаги ҳисоботнинг вертикал таҳлили.

2 босқич. Пул маблағлари ҳаракати тўғрисидаги ҳисоботнинг горизонтал таҳлили.

3 босқич. Пул маблағлари ҳаракатининг коэффициентли таҳлили.

4 босқич. Пул оқимининг молиявий ҳолатга таъсирини баҳолаш.

Пул маблағлари ҳаракати тўғрисидаги ҳисоботнинг вертикал таҳлили уларнинг тузилишига баҳо бериш имконини беради. Бунда ҳар бир фаолият турлари бўйича соф пул оқими таркибида таркиб қаторларнинг улуши ёки барча фаолият турлари бўйича жами соф пул оқими таркибида фаолият турлари бўйича пул маблағларининг улушини ўрганиш мумкин. Одатда операцион фаолият бўйича пул оқими сезиларли юқори улушни ташкил этади.

Пул маблағлари ҳаракати тўғрисидаги ҳисоботнинг горизонтал таҳлили уларнинг динамик ўзгаришига баҳо бериш имконини беради.

Пул оқимларини таҳлил қилишда қўйидаги коэффициентлардан фойдаланиш тавсия этилади (1-жадвал):

Пул маблағларининг етишмовчилиги ликвидлилик ва тўлов қобилиятига таъсир кўрсатади. Натижада хўжалик юритувчи субъектда муддати ўтган кредиторлик мажбуриятлари юзага келади. Бу эса ўз навбатида пул маблағлари ва активлар рентабеллигининг пасайишига сабаб бўлади.

ILM FAN XABARNOMASI

Ilmiy elektron jurnali

Пул оқимлари түғрисидаги ҳисобот пул маблағлари таҳлилиниң асосий ахборот манбасы ҳисобланади. Унда пул тушумлари ва тұловлари учта асосий тоифага ажратилади:

операция фаолияти;
инвестиция фаолият;
молиявий фаолият.

Пул маблағлари таҳлилиниң күрсаткычлар тизими

№	Коэффициентлар	Аникланиши	Изох
1.	Бивер коэффициенти	$K_{Бивер} = (СФ+А) / (УММўрт + ЖМўрт)$	Коэффициентнинг меъёри 0,4-0,45
2.	Жорий мажбуриятларни фойда ҳисобига қоплаш коэффициенти	$K_{ЖМ} = (СФ+А) / (УММўрт + ЖМўрт)$	-
3.	Соф пул оқимининг етарлилиги коэффициенти	$K_{СПО} = СПО / (МБТ + ^МААқў + Д)$	-
4.	Пул оқимининг самарадорлиги коэффициенти	$K_{ПОС} = СПО / ПМЧ$	-
5.	Соф пул оқимининг рентабеллиги	$K_{Рен} = (СФ / СПО) * 100$	Коэффициентнинг меъёри >0,05
6.	Мутлақ тұлов қобилияты коэффициенти	$K_{МТҚ} = (ПМ + ҚМИ) / ЖМ$	Коэффициентнинг меъёри 0,2-0,5

Белгилар изохи: СФ – соф фойда; А – амортизация; УММўрт – узок муддатли мажбуриятларнинг ўртача суммаси; ЖМўрт - жорий мажбуриятларнинг ўртача суммаси; СПО – соф пул оқими; МБТ – мажбуриятлар бүйича тұловлар; ^МААқў - моддий айланма активлар қолдигининг ўсиши; Д – ҳисобот даврида тұланған дивидендлар; СПО – соф пул оқими; ПМЧ – пул маблағлари чиқими; ПМ – пул маблағлари; ҚМИ – қисқа муддатли инвестициялар.

Пул маблағларини самарали бошқариш учун уларни оқилона оптималлаштириш лозим, яни ижобий ва салбий пул оқими ҳажмини баланслаштириш лозим. Уларнинг етишмовчилиги ёки ортиқчалиғи хұжалик юритувчи субъект фаолиятига жиеди таъсир күрсатади. Бу ҳолатда тұлов календарининг мавжудлиги, узок муддатли стратегиянинг(пул маблағлари харакати бүйича) муҳим аҳамият касб этади.

ILM FAN XABARNOMASI

Ilmiy elektron jurnali

Фаолият турлари бўйича пул оқимининг ўзаро боғлиқлигини қуидаги жадвалда кўриш мумкин(2-жадвал):

Фаолият турлари бўйича пул оқимининг ўзаро боғлиқлиги

Вазиятлар	Фаолият турлари	Соф пул оқими	Изоҳ
1	Операцион фаолият	+	Яхши ҳолат
	Инвестицион фаолият	-	
	Молиявий фаолият	-	
2	Операцион фаолият	+	Нормал ҳолат
	Инвестицион фаолият	-	
	Молиявий фаолият	+	
3	Операцион фаолият	-	Кризис ҳолат
	Инвестицион фаолият	+	
	Молиявий фаолият	+	

Бундан кўринадики, операцион фаолиятнинг соф пул оқими орқали инвестицион фаолият ва молиявий фаолиятнинг молиялаштирилиши бу пул маблағларининг самарали бошқарилаётганлигини билдиради. Шунингдек, операцион фаолият ва молиявий фаолиятдан соф пул оқими билан инвестицион фаолиятнинг молиялаштирилиши нормал ҳолат ҳисобланади. Бироқ хўжалик юритувчи субъектнинг операцион фаолиятдан салбий пул оқимига эгалиги ҳамда инвестицион фаолият ва молиявий фаолиятдан олинган соф пул оқими орқали молиялаштирилиши кризис ҳолатдан дарак беради.

Хулоса ва таклифлар.

Хўжалик юритувчи субъектнинг оптимал ҳажмдаги пул маблағлари билан таъминланганлиги унинг бир маромда фаолият олиб боришини таъминлайди. Пул маблағларининг етишмовчилиги корхона фаолиятига салбий таъсир ўтказади, тўловга қобилиятсизлик, ликвидлиликнинг пасайиши, банкротликка олиб келади.

Пул маблағларини самарали бошқариш хўжалик юритувчи субъектнинг хўжалик– молиявий фаолиятига таъсир кўрсатади:

- хўжалик-молиявий фаолиятнинг барча соҳаларини молиялаштириш имкони туғилади;

- тўловга қобилиятсизлик риски пасаяди;
- капитал айланувчанлиги тезлашади;
- қарамлилик эҳтимоли пасаяди;
- инвестицион фаолиятга йўналтирилиши мумкин бўлган ортиқча пул оқими юзага келади;
- ишлаб чиқариш жараёнининг маромийлиги таъминланади.

Адабиётлар

- Гафурова У.Ф. (2021) Пул оқимлари барқарорлигини таъминлаш - корпоратив бошқарувнинг асосий вазифаларидан бири. "Science and Education" Scientific Journal. June / Volume 2 Issue 6. 683- 686р.
- Ильиных А.А. (2019) Анализ движения потоков денежных средств организации. Молодой ученый. - № 14 (252). — С. 101-103.
- Кобозева Н.В., Маркина К.Р. (2020) Анализ движения денежных потоков. Научно- образовательный журнал для студентов и преподавателей «StudNet», №2/ 284-291 стр.
- Ланских Н.С. (2017) Анализ денежных потоков. "Экономика и социум". №4(35), , 840-844 стр.
- Ниятов М.Ф. (2023) Пул маблағлари ҳисобини молиявий ҳисботнинг халқаро стандартлари асосида ташкил қилишнинг амалдаги ҳолати. “Таълим фидойилари” журнали.. 240-249 б. ISSN:2181-2160.
- Нурманов У.А. (2022) Пул маблағларини таҳлил қилишда халқаро ҳамда маҳаллий услугий ёндашувлар. Scientific Journal of “International Finance & Accounting” Issue 5, October. ISSN: 2181-1016. 1-7 р.
- Титаева А.В..ru
- Фозилжонов И.С. (2023) Корхоналарнинг дисконтланган пул оқимларини прогноз қилишнинг ўзига хос жиҳатлари. “UzBridge” электрон журнали. 1 сон, июнь, 259-265 б.
- Фозилчаев Ш.Қ. (2021) Замонавий молия муносабатларида пул оқимларини бошқаришнинг илмий ва амалий аҳамияти. “Science and Education” Scientific Journal. June / Volume 2 Issue 6. 705- 710 р.
- Эшов М.П. (2019) Корхоналарда молиявий фаолиятнинг пул оқими ўсишига ва пасайишига таъсирини баҳолаш масалалари. “Iqtisodiyot va innovatsion texnologiyalar” ilmiy elektron jurnali. № 4, iyul-avgust, 19-29 б.
- Эшонқулов А.Қ. (2022) Хўжалик юритувчи субъектларда пул маблағлари оқимини самарали бошқариш. JOURNAL OF MARKETING, BUSINESS AND MANAGEMENT (JMBM), VOLUME 1, ISSUE 2 (April) ISSN: 2181-3000. 75-78р.